



KOMUNIKADO PA PRENSA

Fecha

15 di mei 2017

Accountmanager Komunikashon

Jhanirha Da Costa Gomez-Anita

Email

jhanirha.anita@gobiernu.cw

Servisio pa Tráfiko i Transporte ta duna puntonan importante di:

Kon pa kore rotònde konsiente

Willemstad – Servisio pa Tráfiko i Transporte (UO-VV) ta konsientisá komunidadat riba kon pa kore un rotònde. Regularmente tin diferente aksidentenan chikitu, konosí komo ‘blikshade’, ta tuma lugá riba rotòndenán. Pa e motibu aki, UO-VV ta duna informashon.

Na Kòrsou nos tin dos tipo di rotònde: rotònde di un via, i rotònde di dos via. Kada un tin su manera kon pa kore! E siguiente pasonan ta splika kon pa kore ámbos rotònde na un manera efektivu, sabí i sigur!

Rotònde di 1 via:

- Na momentu ku bo aserká e rotònde bo tin ku baha bo velocidat.
- E ‘haaiantanden’ marká riba kaya ta indiká ku mester duna preferensia na tráfiko ku ta **den** e rotònde kaba.
- Semper hasi uso di bo “richtingwijzer” ora di sali for di un rotònde.
- Si bo a faya e salida, drei un rònchi mas pa no stroba tráfiko den e rotònde.

Rotònde di 2 via:

- Na momentu ku bo aserká e rotònde bo tin ku baha bo velocidat.
- E ‘haaiantanden’ marká riba kaya ta indiká ku mester duna preferensia na tráfiko ku ta **den** e rotònde kaba.
- Skohe e via parti pafó, si bo ta sali e rotònde na e promé òf di dos salida.
- Saka bo ‘richtingwijzer’ promé ku dreña e rotònde, keda kore riba e via parti pafó i saka ‘richtingwijzer’ atrobe ora di sali.
- Skohe e via parti paden, si bo mester sali na e di tres, òf di kuater salida, òf si bo tin ku bai bèk e mesun direkshon ku bo a sali. Bo ta subi e rotònde i keda kore den e via parti paden.
- No kambia di via nunca den e rotònde.
- Na momentu di sali, bo ta indiká esaki ku bo ‘richtingwijzer’.
- Si bo a faya e salida, drei un rònchi mas pa no stroba tráfiko den e rotònde.